


神農本草經

一





神農本草經

(一)

吳普等述

孫星衍 孫馮翼 輯

神農本草經

本館據問經堂叢  
書本排印初編各  
叢書僅有此本

# 神農本草經序

記曰。醫不三世。不服其藥。鄭康成曰。慎物齊也。孔沖遠引舊說云。三世者。一曰黃帝鍼灸。二曰神農本草。三曰素女脈訣。康成周禮注。亦曰五藥。草木蟲石穀也。其治合之齊。則存乎神農子儀之術。是禮記注所謂慎物齊者。猶言治合之齊。指本草諸書而言也。沖遠既引舊說。復疑其非。鄭義過矣。漢書引本草方術。而藝文志闕載。賈公彥引中經簿。有子儀本草經一卷。不言出於神農。至隋經籍志。始載神農本草經三卷。與今分上中下三品者相合。當屬漢以來舊本。隋志又載雷公本草集注四卷。蔡邕本草七卷。今俱不傳。自別錄以後。累有損益升降。隨時條記。或傳合本文。不相別白。據陸元朗經典釋文所引。則經文與名醫所附益者。合併爲一。其來舊矣。孫君伯淵偕其從子。因大觀本草黑白字書。釐正神農本經三卷。又據太平御覽引經云。生山谷生川澤者。定爲本文。其有預章。朱崖。常山。奉高。郡縣名者。定爲後人。驛入釋本草者。以吳普本爲最古。散見於諸書徵引者。綴集之以補大觀本所未備。疏通古義。系以考證。非澹雅之才。沈鬱之思。未易爲此也。古者協陰陽之和。宣羸縮之節。凡夫含聲負氣。以及倒生旁達。蠓飛螻動之倫。胥盡其性。遇物能名。以達於利用。生生之具。儒者宜致思焉。淮南王書曰。地黃主屬骨。而甘草主生肉之藥也。又曰。大戟去水。亭歷愈張。用之不節。乃反爲病。論衡曰。治風用風。治熱用熱。治邊用蜜丹。潛夫論曰。治疾當真人參。反得支羅服。當得麥門冬。反蒸橫麥。已而不識真。合而服之。病以浸劇。斯皆神農之緒言。

惟其瞻涉者博。故引類比方。悉符藥論。後儒或忽爲方技家言。漁獵所及。又是末師。而非往古。甚至經典所載。鳥獸草木。亦輒轉而昧其名。不已慎乎。後漢書華陀傳。吳普從陀學。依準陀療。多所全濟。陀以五禽之戲別傳。又載魏明帝使普爲禽戲。普以其法語諸醫。疑其方術相傳。別有奇文異數。今觀普所釋本草。則神農黃帝岐伯雷公桐君醫和扁鵲。以及後代名醫之說。靡不賅載。則其多所全濟。由於稽考之勤。比驗之密。而非必別有其奇文異數。信乎非讀三世書者。不可服其藥也。世俗所傳黃帝神農扁鵲之書。多爲後人竄易。余願得夫閱覽博物者爲之是正也。因孫君伯仲校定本草。而發其端。至其書考證精密。則讀者宜自得之。餘姚邵晉涵序。

# 神農本草經序

儒者不必以醫名。而知醫之理。則莫過於儒者。春秋時。和與緩。神于醫者也。其通周易。辨皿蟲之義。醫也。而實儒也。世之言醫者。必首推神農。然使神農非與太乙遊。則其傳不正。非作赭鞭鉤鏹。巡五岳四瀆。則其識不廣。非以土地所生萬千類。驗其能治與否。則其業不神。傳不正。識不廣。業不神。雖日取玉石草木禽獸蟲魚米穀之屬。歷試之。親嘗之。亦僅與商賈市販等耳。於醫乎何與。吾故曰神農。千古之大儒也。考崇文總目。載食品一卷。五臟論一卷。皆繫之神農。其本久不傳。傳之者神農本草經耳。而亦無專本。唐審元哀輯之。書錄解題。謂之大觀本草。讀書志。謂之證類本草。厥後繆希雍有疏。盧之頤有乘雅半偈。皆以本經爲之主。然或參以臆說。或益以衍斷。解愈紛。義愈晦。未有考核精密。卓然有所發明者。則證古難證。古而折衷于至是。爲尤難。孫淵如觀察。偕其從子鳳卿。輯神農本草經三卷。于吳普名醫外。益以說文爾雅。廣雅。淮南子。抱樸子。諸書。不列古方。不論脈證。而古聖殷殷治世之意。燦然如列眉。孔子曰。多識于鳥獸草木之名。又曰。致知在格物。則是書也。非徒醫家之書。而實儒家之書也。其遠勝于希雍之頤諸人也。固宜。或以本草之名。始見漢書。平帝紀。樓護傳。幾有疑于本草經者。然神農始嘗百草。始有醫藥。見于三皇紀矣。因三百六十五種。注釋爲七卷。見于陶隱居別錄矣。增一百十四種。廣爲二十卷。唐本草宗之。增一百三十三種。孟昶復加釐定。蜀本草又宗之。至郡縣本屬後人所附益。經但云生山谷。生川澤耳。洪範

以康寧爲福。雅頌稱壽考萬年。又何疑于久服輕身延年爲後世方士之說哉。大抵儒者之嗜學如醫然。淵源其脈也。覆審其胗視也。辨邪正。定是非。則溫寒平熱之介也。觀察方聞綴學。以鴻儒名。海內求其著述者。如金膏水碧之珍。鳳卿好博聞。研丹吮墨。日以儒爲事。則上溯之羲皇以前。數千年如一日。非嗜之專且久而能然耶。顧吾獨怪是編中。無所謂治書癖者。安得起神農而一問之。嘉慶四年。太歲在己未。冬十月望日。宣城張炯譔於瞻園之灌朮莊。

# 校定神農本草經序

神農本草經三卷。所傳白字書。見大觀本草。按嘉祐補注序云。所謂神農本經者。以朱字。名醫因神農舊條。而有增補者。以墨字。開於朱字。開寶重定序云。舊經三卷。世所流傳。名醫別錄。互爲編纂。至梁貞白先生陶宏景。乃以別錄參其本經。朱墨雜書。時謂明白。據此則宋所傳黑白字書。實陶宏景手書之本。自梁以前。神農黃帝岐伯雷公扁鵲各有成書。魏吳普見之。故其說藥性主治。各家殊異。後人纂爲一書。然猶有旁注。或朱墨字之別。本經之文。以是不亂。舊說本草之名。僅見漢書平帝紀及樓護傳。予按藝文志有神農黃帝食藥七卷。今本譌爲食禁。賈公彥周禮醫師疏。引其文。正作食藥。宋人不考。遂疑本草非七略中書。賈公彥引中經簿。又有子儀本草經一卷。疑亦此也。梁七錄有神農本草三卷。其卷數不同者。古今分合之異。神農之世。書契未作。說者以此疑經。如皇甫謐言。則知四卷成於黃帝。陶宏景云。軒轅已前。文字未傳。藥性所主。當以識識相因。至於桐雷。乃著在於編簡。此書當與素問同類。其言良是。且藝文志農兵五行雜占經方神仙諸家。俱有神農書。大抵述作有本。其傳非妄。是以博物志云。太古書今見存。有神農經。春秋傳注。賈逵以三墳爲三皇之書。神農預其列。史記言。秦始皇不去醫藥。卜筮之書。則此經幸與周易並存。顏之推家訓。乃云。本草神農所述。而有豫章朱崖趙國常山奉高真定臨淄馮翊等郡縣名。出諸藥物。皆由後人所屬。非本文。陶宏景亦云。所出郡縣。乃後漢時制。疑仲景元化等所記。按辭綜注張衡



賦引本草經。太一禹餘糧。一名石腦。生山谷。是古本無郡縣名。太平御覽引經上云。生山谷。或川澤。下云。生某山某郡。明生山谷本經文也。其下郡縣名。醫所益。今大觀本俱作黑字。或合其文。云某山川谷某郡。川澤。恐傳寫之誤。古本不若此。仲景元化後。有吳普李當之。皆修此經。當之書。世少行用。魏志華陀傳。言普從陀學。隋經籍志。稱吳普本草。梁有六卷。嘉祐本草云。普修神農本草。成四百四十一種。唐經籍志。尙存六卷。今廣內不復存。惟諸書多見引。據其說藥性。寒溫五味。最爲詳悉。是普書宋時已佚。今其文惟見掌禹錫所引。藝文類聚。初學記。後漢書注。事類賦。諸書。太平御覽。引據尤多。足補大觀所缺。重是別錄前書。因采其文。附於本經。亦略備矣。其普所稱。有神農說者。卽是本經。大觀或誤作黑字。亦據增其藥物。或數浮于三百六十五種。由後人以意分合。難以定之。其藥名。有禹餘糧。王不留行。徐長卿。鬼督郵之屬。不類太古時文。按字書。以禹爲蟲。不必夏禹。其餘名號。或係後人所增。或聲音傳述。改古舊稱之致。又經有云。宜酒漬者。或以酒非神農時物。然本草衍義。已據素問。首言以妄爲常。以酒爲醬。謂酒自黃帝始。又按文選注。引博物志。亦云。杜康作酒。王著與杜康絕交書。曰。康字仲寧。或云黃帝時人。則俱不得疑經矣。孔子云。述而不作。信而好古。又云。多識於鳥獸草木之名。今儒家拘泥耳目。未能及遠。不覩醫經本草之書。方家循守俗書。不察古本藥性異同之說。又見明李時珍作本草綱目。其名已愚。僅取大觀本。割裂舊文。妄加增駁。迷誤後學。予與家鳳卿集成是書。庶以輔翼完經。啓蒙方伎。略以所知。加之考證。本經云上藥本上經。中藥本中經。下藥本下經。是古以玉石草木等。上中下品。分卷。而序錄別爲一卷。陶序朱書云。本

草經卷上。注云。序藥性之原本。論病名之形診。卷中云。玉石草木三品。卷下云。蟲獸果菜米合三品。此名醫所改。今依古爲次。又帝王世紀及陶序稱四卷者。掌禹錫云。按舊本亦作四卷。韓保昇又云。神農本草上中下并序錄。合四卷。若此。則三四之異。以有序錄。則抱朴子養生要略。太平御覽所引神農經。或云問于太乙子。或引太乙子云。皆經所無。或亦在序錄中。後人節去之耳。至其經文。或以痒爲癢。創爲瘡。淡爲痰。注爲蛙。沙爲砂。兔爲菟之類。皆由傳寫之誤。据古訂正。勿嫌驚俗也。其辨析物類。引据諸書。本之毛詩。爾雅。說文。方言。廣雅。諸子雜家。則鳳卿增補之力俱多云。陽湖孫星衍撰。

神農本草經卷一

魏 吳普等述

清

孫星衍同輯  
孫馮翼

上經

上藥一百二十種。為君。主養命以應天。無毒。多服。久服。不傷人。欲輕身益氣。不老延年者。本上經。

丹沙。

雲母。

玉泉。

石鍾乳。

涅石。

消石。

朴消。

滑石。

石膽。

空青。

曾青。

禹餘糧。

太乙餘糧。

白石英。

紫石英。

五色石脂。

白青。

扁青。右玉石十八種。上品一舊同。

昌蒲。

鞠華。

人參。

天門冬。

甘草。

乾地黄。

朮。

兔絲子。

牛膝。

充蔚子。

女萎。

防葵。

芫胡。

麥門冬。

獨活。

車前子。

木香。

署豫。

薏苡仁。

澤瀉。

遠志。

龍膽。

細辛。

石斛。

巴戟天。

白英。

白蒿。

赤箭。

奄闔子。

析萱子。

龍骨。髮髮。右人同一種。杜仲。乾漆。柏實。牡桂。姑活。薇銜。杜若。蘭草。丹參。續斷。黃耆。芎藭。蒼實。

麝香。女貞實。五加皮。伏苓。菌桂。別羈。雲實。沙參。蛇牀子。茜根。漏蘆。肉松容。藤蕪。赤、黑、青、白、黃、紫。芝。

牛黃。木蘭。蔓荊實。榆皮。松脂。屈草。王不留行。白兔藿。地膚子。飛廉。營實。防風。黃連。

熊脂。蕤核。辛夷。酸棗。槐實。淮木。右草上七品二十七種。升麻。徐長卿。景天。五味子。天名精。蒲黃。絡石。卷柏。

白膠。橘柚。右木上十品二十九種。桑上寄生。藥木。枸杞。右草上七品二十七種。青囊。石龍芻。因陳。旋華。決明子。香蒲。疾藜子。藍實。

阿膠。右賦上品六種。舊同。

丹雄雞。

鴈肪。右禽上品二種。舊同。

石蜜。

蜂子。

蜜臘。

桑螵蛸。

海蛤。

文蛤。

滴實莖。

大棗。

葡萄。

胡麻。

麻蕒。右米穀上品二種。舊三種。

冬葵子。

苧實。

瓜蒂。

丹沙。

瓜蒔。

瓜子。

生山谷。

苦菜。右菜上品五種。舊同。

味甘微寒。主身體五藏百病。養精神。安魂魄。益氣明目。殺精魅。邪惡鬼。久服通神明不老。能化為汞。太平御覽引。多有生山谷三字。大觀本。作生符陵山谷。俱作黑字。考。生山谷。是經文。後人加郡縣耳。宜改為白字。而以郡縣為黑字。下皆仿此。

鹹水。太平御覽。

吳普本草曰。丹沙神農甘黃帝苦有毒。扁鵲苦李氏大寒。或生武陵。採無時。能化。未成水銀。畏磁石。惡

名醫曰。作末名真朱。光色如雲母。可折者良。生符陵山谷。采無時。

案說文云。丹。巴越之赤石也。象采丹井。象丹形。古文作日。亦作彤。沙。水散石也。瀕。丹沙所化為水銀也。管子地數篇云。山上有丹沙者。其下有銑金。淮南子地形訓云。赤天七百歲生赤丹。赤丹七百歲生

赤瀕。高誘云。赤丹。丹沙也。山海經云。丹粟。粟沙。音之緩急也。沙。舊作砂。非。汞。即瀕省文。列仙傳云。赤斧

能作水瀆。鍊丹與消石服之。按金石之藥。古人云久服輕身延年者。謂當避穀。絕人道。或服數十年。乃効耳。今人和肉食服之。遂多相反。轉以成疾。不可疑古書之虛誣。

雲母味甘平。主身皮死肌。中風寒熱。如在車船上。除邪氣。安五藏。益子精。明目。久服輕身延年。一名雲珠。

一名雲華。一名雲英。一名雲液。一名雲沙。一名磷石。生山谷。

名醫曰。生太山。齊盧山。及琅邪。北定山石間。二月采。此錄名醫說者。即是仲景元化。及普所說。但後人合之。無從別耳。亦以補普書不備也。

案列仙傳云。方回鍊食雲母。抱朴子仙藥篇云。雲母有五種。五色竝具。而多青者。名雲英。宜以春服之。

五色竝具。而多赤者。名雲珠。宜以夏服之。五色竝具。而多白者。名雲液。宜以秋服之。五色竝具。而多黑

者。名雲母。宜以冬服之。但有青黃二色者。名雲沙。宜以季夏服之。晶晶純白。名磷石。可以四時長服之。

也。李善文選注。引異物志。雲母一名雲精。入地萬歲不朽。說文無磷字。玉篇云。磷薄也。雲母之別名。

玉泉味甘平。主五藏百病。柔筋強骨。安魂魄。長肌肉。益氣。久服耐寒暑。御覽引耐字多。古通。不飢渴。不老。神仙

人臨死服五斤。死三年色不變。一名玉杵。御覽又引云。玉桃。服之長生不死。玉桃。若不得早服之。臨死

日服之。其尸華天地不朽。則疑當作桃。生山谷。

吳普曰。玉泉一名玉屑。神農岐伯雷公。甘李氏。平畏冬華。惡青竹。御覽白玉杵如白頭公。同上。賦引云。事類

玉體如白首翁。

案周禮玉府。玉齋則供食玉。鄭云。玉是陽精之純者。食之以禦水氣。鄭司農云。王齋當食玉屑。抱朴子

仙藥篇云。玉可以烏米酒。及地榆酒。化之爲水。亦可以蔥漿。消之爲粘。亦可餌以爲丸。亦可燒以爲粉。服之。一年以上。入水不需。入火不灼。刃之不傷。百毒不犯也。不可用已成之器。傷人無益。當得璞玉。乃可用也。得于闐國白玉尤善。其次有南陽徐善亭部界中玉。及日南盧容水中玉。亦佳。

**石鍾乳**

味甘温。主欬逆上氣。明目益精。安五藏。通百節。利九竅。下乳汁。御覽引云。一名留公乳。大觀本。作一名公乳。黑字。生

**山谷**

吳普曰。鍾乳一名虛中。神農辛。桐君黃帝醫和甘。扁鵲甘無毒。御覽引云。李生山谷。御覽引云。陰處

岸下溜汁成。御覽引作溜汁所成聚。如乳汁。黃白色。空中相通。二月三月采。陰乾。不復注。惟注其出。御覽諸書

者

名醫曰。一名公乳。一名蘆石。一名夏石。生少室及太山。采無時。案范子計然云。石鍾乳出武都。黃白者

善。凡引計然。多出事文類聚。文選注。御覽。及大觀本草。列仙傳云。叩疏。煮石髓而服之。謂之石鍾乳。鍾當爲湏。說文云。乳

汁也。鍾假音字。

**涅石**

舊作礬石。引作涅石。山海經。引作涅石。璞注。味酸寒。主寒熱洩利。白沃陰蝕。惡創。目痛。堅筋骨齒。鍊餌服之。輕身不老。

**增年一名羽硯生山谷**

吳普曰。礬石一名羽硯。一名羽澤。神農岐伯酸。扁鵲鹹。雷公酸。無毒。生河西。或隴西。或武都石門。采無

時。岐伯久服傷人骨。御覽

名醫曰一名羽澤。生河西及隴西武都石門。采無時。

案說文無礬字。玉篇云礬石也。硃礬石也。西山經云女牀之山其陰多涅石。郭璞云卽礬石也。楚人名

爲涅石。秦名爲羽涅也。本草經亦名曰涅石也。范子計然云礬石出武都。淮南子俶真訓云以涅染緇

高誘云涅礬石也。舊涅石作礬石。羽涅作羽硃非。

消石。味苦寒。主五藏積熱。胃張閉。滌去蓄結。飲食推陳致新。除邪氣。鍊之如膏。久服輕身。御覽引云一名芒硝。大觀本

作黑字。生山谷。

吳普曰消石神農苦扁鵲甘。凡出掌禹錫所引。亦見御覽者。不審所出。

名醫曰一名芒消。生益州及五都隴西西羌。采無時。

案范子計然云硝石出隴道。据名醫一名芒消。又別出芒消條。非北山經云。京山其陰有元礬。疑礬卽

消異文。

朴消。味苦寒。主百病。除寒熱邪氣。逐六府積聚。結固留癖。能化七十二種石。鍊餌服之。輕身神仙。生山谷。

吳普曰朴硝石神農岐伯雷公無毒。生益州。或山陰入土千歲不變。鍊之不成不可服。御覽

名醫曰一名消石朴。生益州。有鹽水之陽。采無時。

案說文云朴木皮也。此蓋消石外裹如玉璞耳。舊作硝。俗字。

滑石。味甘寒。主身熱洩瀉。女子乳難。癰閉。利小便。蕩胃中積聚寒熱。益精氣。久服輕身耐飢。長年生山谷。



名醫曰。一名液石。一名共石。一名脫石。一名番石。生赭陽。及太山之陰。或掖北。白山。或卷山。采無時。案范子計然云。滑石。白滑者善。南越志云。營城縣出滑石。卽滑石也。

石膽味酸寒。主明目。目痛。金創。諸癩瘡。女子陰蝕。痛。石淋。寒熱。崩中下血。諸邪毒氣。令人有子。鍊餌服之。不老。久服。增壽。神仙。能化鐵爲銅。成金銀。御覽引作一名畢石。生山谷。

吳普曰。石膽。神農酸。小寒。李氏大寒。桐君辛有毒。扁鵲苦無毒。御覽引云。一名黑石。一名銅勒。生羌道。或句青山。二月庚子辛丑采。

名醫曰。一名黑石。一名碁石。一名銅勒。生羌道。羌里。句青山。二月庚子辛丑日采。

案范子計然云。石膽出隴西羌道。陶宏景云。仙經一名立制石。周禮瘍醫。凡療瘍。以五毒攻之。鄭云。今醫方有五毒之藥。作之合黃堊。置石膽丹沙。雄黃。礬石。慈石。其中燒之。三日三夜。其煙上著。以雞羽掃之。以注創。惡肉破骨。則盡出。圖經曰。故翰林學士楊億嘗筆記直史館楊岷。有瘍生於頰。人語之。依鄭法合燒藥。成注之瘡中。遂愈。信古方攻病之速也。

空青味甘寒。主瞽盲。耳聾。明目。利九竅。通血脈。養精神。久服。輕身。延年。不老。能化銅鐵鉛錫作金。生山谷。吳普曰。空青。神農甘。一經酸。久服。有神。仙。玉。女。來。時。使。人。志。高。御覽

名醫曰。生益州。及越巂山。有銅處。銅精熏。則生空青。其腹中空。三月中旬采。亦無時。

案西山經云。皇人之山。其下多青。郭璞云。空青。曾青之屬。范子計然云。空青出巴郡。司馬相如賦云。丹